



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

Parisiis, 1644

Fragmentvm Epistolae VIII. Alexandri Papae II. Ad VVilelmvm Regem
Anglorvm. Pro exactione denarii sancti Petri.

urn:nbn:de:hbz:466:1-15625

Ego Mainardus Dei gratia Siluæ candidæ dictæ episcopus, apostolicæ sedis legatus, huic constitutionis paginæ a me factæ subscripti.

Ego Ioannes sanctæ Romanæ ecclesiæ cardinalis presbyter, atque eiusdem legatus, huic constitutioni subscripti.

EPISTOLA VII.
ALEXANDRI PAPÆ II.
AD EPISCOPOS DANIAE.

Pro Synodo celebranda.

Alexander episcopus seruus seruorum Dei omnibus episcopis in regno Danorum constitutis, apostolicæ sedis & nostro vicario obedientibus, salutem & apostolicam benedictionem.

HAMBVRGENSIS episcopus, venerabilis vicarius noster, literis & legatis suis conquestus est, quod quidam Edbertus Fariensis episcopus multis criminibus inuolutus ad Synodus suam per triennium vocatus venire contempsit. Quod quia consilio quorumdam vestrorum dicitur esse factum, mandamus, & apostolica auctoritate præcipimus, vt ab huiusmodi recedatis omnino consilio, eumque ad audienciam prædicti fratris nostri ire admonenatis, quatenus post factam examinationem canonice iudicetur. Et alia, quibus ibi præcipitur vt ei obdiant, & satisfactionem exhibeant.

FRAGMENTVM EPISTOLÆ VIII.
ALEXANDRI PAPÆ II.
AD VVILIELMVUM REGEM ANGLORVM.

Pro exactione denarii sancti Petri.

Idem Alexander Vuilielmo regi Anglorum.

Nouit prudentia tua Anglorum regnum, ex quo nomen Christi ibi clarificatum est, sub apostolorum principis manu & tutela extitisse, donec quidam membra malii capitisi effecti, zelantes superbiam patris sui satanæ, pactum Dei abiecerunt, & Anglorum populum a via veritatis auerterunt. *Et paulo post:* Nam, vt bene nosti, donec Angli fideles erant, piæ deuotionis respectu ad cognitionem religionis annuam pensionem apostolicæ

fedi exhibebant, ex qua pars Romano pontifici, pars ecclæsiae sanctæ Mariæ, quæ vocatur Schola Anglorum, in usum fratrum deferebatur.

E P I S T O L A I X.

A L E X A N D R I P A P Æ I I.

A D S A N C T V M A N N O N E M A R C H I E P I S C O P V M
C O L O N I E N S E M.

Concedit illi priuilegium immunitatis pro monasterio
Sigebergensi.

*Alexander episcopus seruus seruorum Dei Annoni archiepiscopo
sanctæ Coloniensis ecclæsiae in Christo Iesu
fratri carissimo.*

Q UOD a nobis, Deo dilecte frater, expertis, ex officio suscepsto & apostolica auctoritate vniuersis debemus ecclesiis: at mihi tecum, in Deo dilecte frater, aliter agendum est: quippe apud virum religiosum, & reuera tam operibus quam nomine episcopum. Itaque ex parte Domini nostri Iesu Christi, & sanctæ Dei genitricis Mariæ, sanctorumque apostolorum Petri & Pauli, omniumque sanctorum & electorum Dei, confirmamus & corroboramus abbatiam illam in perpetuum, ne qua persona magna vel parua, non aliquis successorum tuorum, non rex, aut comes, nullus, inquam, hominum ex ea quidquam ad destructionem loci demoliri audeat; verum omnibus collatis & conferendis pax sit permanens & inconuulsa, & prima ista, qua modo instituuntur, apud monachos permaneat consuetudo, sitque illis de abbate libera electio. Si quis huius nostri priuilegii temere violator extiterit, perpetui anathematis vinculis se innodandum nouerit, nisi forte resipiscens digne satisfecerit. Qui vero pia deuotione obseruator esse studuerit, peccatorum suorum omnium consequatur veniam, & æternæ beatitudinis gloriam mereatur.